

# Basotho Lead-Petitioners




AfriForum

Moketa ho tsosoa o itekang!

## LITAELO TSA HO ETSA MASKE OA SEFAHLEHO (Tema e kenyelelitsoe)

### LITEMA TSA MASKE OA SEFAHLEHO



### LESELA

Sepheo sa maske ke ho tshireletsa marotholi a nang le coronaerase ho nama. Le teng o lokela ho khona ho hema ho phunyeletsa le maskeng. Bakeng sa lesela le ka ntle, kh'othene e hloekileng (joalo ka lesela la Sekipa, sekoto sa kh'othene kapa lesela le bonolo la fatuku ea thaole) ke lona le lokileng haholo. Linene le metsoako emeng e tla sebetsa empa ha li sebetse hantle haholo.

Joalo ka ha ho kholoa, lesela le lumellang khanya ho phunyeletsa ha le shebisitsoe khanyeng, ka kakaretso le tla lumella marotholi a se makae ho phunyeletsa ha ho bapisoa le lesela le lumellang khanya e ngata ho phunyeletsa.

Lesela le kahare kapa laening le hloka ho utloahala le le bonojoana letlalong la hau. Kh'othene, kh'othene ea maiketsetso (polyester cotton)

kapa linene e bobebe (linen rayon) ke a mang a masela a ka nahanoang ha ho khethoa.

Sebelisa limilimitara tse 150 ho isa ho limilimitara tse 180 botelele tsa rekere e bataletseng e mahareng a limilimitara tse 4 le limilimitara tse 6 ka bophara ho tsetsisa maske holim'a litsebe. Rekere e pitikoe kapa lireke tse tshoarang moriri tse sehiloeng li tla sebetsa.

# LITAELO TSA HO ROKA

## MOHATO OA 1: SEHA LESELA

Hatisa tema mme o sehe boholo bo batloang. Netefatsa hore o hatisa ho ea ka litekanyetso (sebelisa botelele bo bontshitsoeng ba karolo e lekanang tlasa selelu.

Mena lesela bakeng sa bokantle ba lesela le mmenoeng habeli la maske mme o qhoelle tema holim'a lona. Seha lesela ho ea ka tema, empa lumella sebaka se seholoanyana sa limilimitara tse 6 bakeng

sa ho roka bakeng sa nko, selelu le lerama, hammoho le limilimitara tse 25 ho feta ka mahlakoreng a bapileng le bokapele ba tsebe. Joale o na le likarolo tse peli bakeng sa karolo e kantle ea maske.

Mena mameno a mabeli a lesela mme o qhoelle tema ho ona. Seha lesela ho latela tema empa hape o ntse o lumella limilimitata tse 6 mahlakoreng ohle a mane bakeng sa ho roka. Joale o

na le likarolo tse peli tsa lesela bakeng sa laening ea maske.



## MOHATO OA 2: ROKA LEMENO LE BOHARENG

Beha mahlakore a kantle a lesela le kantle le leng holim'a le leng mme o roke lemeno le mahareng le lekanang bokaholimo ba nko. Etsa joalo le ka laening.



## MOHATO OA 3: HATELLA LEMENO LE BOHARENG

Hatella sebaka sa lemeno le lumelletsoeng se bohareng ba lemeno hore le bulehe ele hore lemeno le batalle fatshe (ho pomapoma ka thoko ho ithatika le hona ho ea thusa).

Kaha lemeno lena ke le khopameng, ha le na ho batalla fatshe hantle. O ka le aena ka aene ho tloha lehlakoreng le leng, ebe o aena haloko ea bobedi lehlakoreng le leng.



## MOHATO OA 4: ROKELLA BOKANTLE LE BOKAHARE BA LESELA MMOHO

Bula o mene likaroloana tsa lesela. Beha bokantle ba lesela le bokantle bo lebile holimo. Beha laening bokantle ba eona bo lebile tlase ka holim'a lesela le kantle ele hore mameno e mahareng e bape mme libopeho tsa eona li nyalane.

Mena lehlakore le lebaneng le laening ho ka bang limilimitara tse 4 ho ea

lemenong le bohareng mme o le hatelle fatshe.

Qhoaela likarolo tsa lerama le selelu mmoho ka liphini mme o li rokelle.

Lebisa lehlakore la maske le katlase holimo mme le ka holimo ka tlase ele hore bokantle bo be kantle.

Hatella kapa o aene lemeno hore le batalle.

Ntlha ea lerama le selelu li ka rokelloa mmoho ho ntlafatsa makhethe.



## MOHATO OA 5: HOKELA REKERE

Beha maske bokantle bo lebisitsoe tlase.

Beha rekere ho ka bang limilimithara tse 10 ho tloha ntlheng ea lehlakore la tsebe leseleng le kantle lehlakoreng le leng la maske.

Mena limilimitara tse 3 tsa lehlakoreng la tsebe la lesela le kantle le be holim'a rekere ele hore ntlha ea lemeno la limilimitara tse 3 le batlang le ka lekana le limilimitara tse 5 ho tloha ntlheng ea laening ea tsebe mme o e qhoale sebakeng se loketseng.

Roka lehlakore lena rekere e le kahare. Roka lipakeng tsa moroko oa pele lintlheng tsa lemeno lena ka bobeli ho li thatafatsa ha rekere e huloa. Ho etsa sebopeho se kang phaephe eo rekere e ka pototolohang ka ho lona.

Netefatsa hore ha o rokelle laening le lesela le kantle mmoho, hobane ho buleha hona ho tla sebelisetsoa ho kenya furumo ea tlatsetso bakeng sa tshireletso.

Rokella lintlha tse peli tsa rekere mmoho ka thata. Tsamaisa sebaka seo li hoketsoeng mmoho ka lemenong haeba o khetha joalo.

Pheta ka lehlakoreng le leng.

Haeba o sebelisa lirekere tse tshoarang moriri, o lokela ho rokella lintlha ka holimo ho lemeno le mennoeng likhoneng tse peli. Kapa feela katlase laening likh'oneng (lebaka la hona ke hobane rekere tse tshoarang moriri li tla ba khutshoane haholo).



## MOHATO OA 6: SEBELISA MASKE OA HAU


Khoesa maske le lesela le kantle le le kantle mme rekere e le litsebeng tsa hau.

Maske o lokela ho fihla tl'asa mahlo sefahlehong le marameng mme o dule ka makhetha moleng oa selelu.

Sekotoana sa thaole ea pampiri se ka kenngoa lipakeng tsa laening le lesela le kantle bakeng sa ho eketsa tshireletso.

Tlosa maske ka ho hakolla rekere litsebeng tsa hau. Se ame bokapele ba maske.

Tlosa thaole ea pampiri mme o e lahle. Hlatsoa maske ka sesepa le metsi mme o o anehe khanyeng ea letsatsi ho oma. Hlatsoa matsoho a hau ka botlalo kamor'a moo.



**Netefatsa hore o hatisa tema ho latela litekanyetso tse boletsoeng.** Botelele ba ntlha ea selelu sa motho e moholo bo lokela ho ba limilimitara tse 105.

Kananelo ho: <http://www.craftpassion.com> bakeng sa tema le ho <https://freesewing.org/docs/patterns/fu/instructions/> bakeng sa litaelo.